

ИНЬ ВАЖНАИ ЗАДАЧА

ВЛКСМ-нь X с'ездть решениянзон эса, а сяда меле ВЛКСМ-нь ЦК-ть омбоце пленумонц решениянзон эса сьормадф, што комсомольский организациятненъ инь главный задачасна ся, штоба воспитандакшнемс коммунистический духса комсомолечненъ и сембе од ломаньтненъ. Коммунистический духса воспитаниян методт а эривихть думандакшнемс, аф эривихть вещендемс. Комсомолонь ЦК-ть омбоце пленумонц решенияс пняк шарьхкодевиства сьормадф кода и кодама воспитательная работа должетт йогафнемс комсомольский организациятне комсомолечненъ йоткса. Тянь жа колга шарьхкодевиства сьормадф минь ВЛКСМ-нь уставоньконь омбоце параграфонцты:

„ВЛКСМ-нь члентне обязатт:
а) тонафнемс Марксть, Энгельсть, Ленинть, Сталинть трудсон и азончнемс марксистско-ленинский ученият од ломанень оцю массати;“

Тянь ингса ВЛКСМ-нь ЦК-сь макссь партият историянц тонафнеманц колга прекрасная программа. Тяконь пингова комсомолонь ЦК-ть сьормасонза ульсь азф кода эриви ладямс партият историянц тонафнеманц од программат вельде комсомольский кружокса.

Кода няеви тевсь яснай и шарьхкодеви. Однако мянь тнярс лама кружкова комсомолечне тонафнихть аф программат вельдя Койкона комсомолонь райкомтне мянь тичинь шис неудосужились тиемс инструктаж пропагандистненди од программат колга, а кда тийф инструктаж, то тийф ради инструктажа. Рыбкинань райононь комсомольский руководителхне Центральнай комитетть указаниянзон старандасть пашкоддмс эсь пингоня. Но инструктажсь лядсь формально кагол лангс. Райкомонь секретарьт Кшиякинть инструктаженц коряс меле йотась пале ков, но велева пцтай сембе кружокне партият историянц тонафнезь программафтома. Мамалаева велень комсомольский пропагандистсь Каниськинась ты положеният азонцы сянь мархта, што сонь аш программат. Тяфта жа корхтай Рыбкинань средний школаста пропагандистсь Столяровсь. Нат фактне меткайста няфнесазь Гыбкинань комсомолонь райкомть формаль-

най отношениянц ты инь главный тевти комсомолть работаса. Ниньгя тядкальдяв тевсь Шайговань райкомса. Тяс комсомолонь райкомонь политонафнемань отделонь заведующайсь Воробьевсь нльня исьце арьсе эривиксонди пропагандистненди тиемс инструктаж (сон временно лядонц райкомонь секретарьт васц). Тядка хужа, сон соньц вяти кружок и нльня соньц работай аф ЦК-ть программанц колга.

Лядонды кизефнемс нят горе руководителхненъ, кие мярьгоньц тейст аф пашкодкшнемс ЦК-ть решениянзон и указаниянзон? Кода няеви нят бездушнай руководителхне аф атказакшнихть оцю пуромксса кемоста сюцемс и критиковандамс комсогртненъ и пропагандистненъ кяльдяв работанкса. Оцю жар марта корхнихть комсомолечненди, штоба комсомолечне пашкодкшнелезь уставть и ЦК-ть решениянзон, но синьц кельгсаз ащекшнемс кабинета и сяда кржа работамс комсомолечненъ идейнай политический содама шиснон касфтомаснон лангса.

Партиясь макссь оцю доверия комсомолти од ломаньтненъ коммунистический духса воспитаниян колга. Штоба тевса оправдандамс партият довериянц, эриви васендакигя цебарьста ладямс партият историянц тонафнеманц. Комсомолечненъ и сембе од ломаньтненъ эривихть тонафнемс коммунистический партият героический тюремань и работамань образецненъ лангса. Комсомолечненди и од ломаньтненди эриви азондомс кода партиясь Ленинть и Сталинть руководстваснон ала вятеть тюрема меньшевикненъ, контрреволюционной троцкизмат каршес ниньгя подпольса. Эриви цебарьста и толковайста азондомс кода партиясь пуроптозень трудий массатненъ 1917 кизоня капитализмат каршес и пролетариатонь диктатурат ладяманц инкса.

Тяс оцю значения кирды пропагандистсь. Комсомолонь райкомти эриви ладямс систематический работа пропагандисттненъ марта. Пропагандистонь семинархне должетт улемс йотафнефт регулярнайста. Семинарт работанц эриви ладямс станя, штоба семинарс пропагандистненди улель тонафнема вастокс.



Февральт 22-це шистонза ЦИК-ть зданиянц ваксе финишированлать лыжни-кне—допризвынникне.

СНИМКАСА: Рузавкань райононь командат командиронь Алемзев ялгась максь рапорт Осоавиахимонь председателти Белоклоков ялгати.
Фотось ВЕРЕТЕННИКОВТЬ.

А. В. КОСАРЕВ ЯЛГАТЬ РЕЧЕЦ

Г. К. ОРДЖОНИКИДЗЕ ЯЛГАТИ ПОСВЯЩЕННАЙ
ТРАУРНАЙ МИТИНГСА

Ялгат, оцюдснга-оцю печалень, крхкадонга-крхка скорьбень чувствамарта, марса сембе странать марта советский од ломаньтне алу комафнесазь эсь пряснон Григорий Константинович Орджоникидзе прахонц вельксса.

Великий Сталинть вернай цюранза, ленинский комсомолть членонза азондыхть пняк оцю скорьб Всесоюзнай коммунистический партият рабочей классьт тевонц инкса инь цебарь боецть Серго ялгати пингта инголе туманц колга.

Минь великий социалистический родинанькень счастливый идензон жизнерадостнай, веселай сельмосна мрачнейгодсть, мзярда синь содазь сянь колга, што кулось социализмат инкса инь цебарь боецсь и минь великий Сталинонькень инь цебарь другон.

Од инженерхне, техникне, од старовоцне и сембе минь од советский интеллигенциянхне кеместа ризнайхть инь цебарь сталинский полководетть Орджоникидзе ялгати пингта инголе куломанц колга.

Серго ялгати эряфоц ащи оцюдонга-оцю примеркс сембе комсомолечненди, сембе советский од ломаньтненди. Тя эряфсь марнек принадлежало коммунизмати и тя коммунизмат инкса сон ульсь прожитай.

Ленинский комсомолсь, сембе минь советский од ломаненькя максихть клятва Серго ялгати лязксонзон вельксса сянь колга, што минь аф шовдалгофтсаськ сонь ламятенц и, молемок ленинско-сталинский кить эзга, машттама знокламс минь славнай од ломаненьконь эзда социализмань боецт и строителхть минь кельгома Орджоникидзе ялганьконь образсонза и подобиясонза.

Серго ялгати куломац нинге сядонга пняк пуропнесыне миллион советский од ломаньтненъ минь великий партиянхонь, минь учительнхонь и вожденьконь Сталин ялгати перьф.

Серго ялгати прахонц вельксса од ломаньтне максихть клятва социализмань тевти эсь верностьснон колга, Ленинонь—Сталинонь тевснонды верностьснон колга.

Орджоникидзе ялгась тусь пингта инголе. Минь народоньке, сембе минь од ломаненькя должетт вешемс вождьтненъ и руководителхненъ ширде, должетт вешемс Сталин ялгати ширде, штоба минь вожденькя и руководителхнякя работалхть аф тяшкава напряжоннайста, сяс мес минь руководителхненъ эряфсна и шумбра шисна ащихть павазкс, ащихть победакс сембе трудий человечествати.

ПЕДУЧИЛИЩАНЬ КОМАНДАСЬ ЗАНЯЗЕ ВАСЕНЦЕ ВАСТЬ

Февральт 18-це шистонза Сембесоюзонь заочнай химический соревнованиянъ участникне йотафцть эсь йотковаст соревнованият, коса примаст участие Рабфаконь Педучилищань, Наркомземонь и Пенькоджutowай комбинатонь командатне.

Васеньце вастть занязе Педучилищань командась. Студентне Кудрявцев, Галькин и Од-

инцов ялгатне 5 километрат йотазь противогаса 27 минутаста.

Мокшэрзянь Педучилищань студентне няфтезь, што синь цебарьста аноклайхть пря военной тевть содаманцты, штоба любой минутаста улемс анок минь кельгема родинанекень ареляма.

Филиппов.

Анокласть 10 ворошиловский стрелокт

Саранскяень пединститутса Осоавиахимонь первичнай организациясь путозе ознаменовандамс Якстерь Армият 19-це годовщианц студенчествов йоткса обороннай работат цебарьгофтоманц марта. Арьсефоль анокламс тя шити кемень ворошиловский стрелокт. Обязательствась пашкодф ни.

Организовандафт ниле лыжной командат (5-нь ломань эрь коман-

даса) сынка, штоба молемс маластонь колхозненди Осоавиахимонь первичнай организациятненъ работаснон ваномат и кемекстама. Февральт 18-це шистонза тиендьф лыжной вылазка вири.

Тячиень шити нолдаф специальной номер Осоавиахимовский стеной газетат.

М. Т.

ССР-нь СОЮЗОНЬ ОБОРОНАНЬ НАРОДНАИ КОМИССАРТЬ ПРИКАЗОЦ

25-це №-сь.

1937-це кизонь февральть 22-це шистонза

Моску ош.

Якстерьармеец, командир и политработник ялгат! Поздравляю Тянь Рабоче-Крестьянский Якстерь Армию кевейхксыце годовщиной марта.

Минь славной большевистский партизанке, рабоче-крестьянский Правительствась, Советский Союзонь сембе народне кядень апак нолдак работайхть сянь лангса, штоба несокрушимай улель странать оборонад, штоба Якстерь Армиясь улель отличнайста вооруженной и оснащенной тяниень пингень боевой техникать марта.

РККА-са воинский службась—советский граждантень почетнай обязанностьна. Якстерь Армиянь рядтень эса служайхть героический советский народть преданной цюоранза, конат анокт максомсесь вийснон, а кда эрявксты, то и эсь эряфснонга честьть, славать, минь социалистический отечестванькень независимостенц инкса.

Сембе родонь оружиань замечательнай боецне и командирхне: гордый соколхне—летчикне, смелай парашютистне, мужественнай танкистне, меткай и выносливай стрелокне и артиллеристне, отважной кавалеристне, бесстрашной краснофлотецне, отличнай химикне, саперхне, связистне, военнай

железнодорожникне—сембе синь упорнайста и цебарьста тонафнихть и апак лотксек касфнесазь эсь боевой и политический аноклаф шиснон. Якстерь Армиянь ломаньтне няфнихть самоотверженностень, героизмань, военной мастерствань образец.

СССР-са социализмать победанза, конат сьормадфт Сталинский Конституцияса, тиезь минь странанькень модать котоцек пъялксонза социализмань строителень панжи родинакс. Якстерь Армиясь, конат кружаф советский народть кельгеманц и заботанц марта, отразит всякай нападениять и машфты кодама повсь врагть, конанц саты смелостец посягнуть мирнай трудть, павазу эряфть и минь странанькень народонзон достоянияснон лангс.

Рабочай классь и сембе странатнень эзда трудяйхне, сембе передовой и прогрессивнай человечествась справедливайста ияйсазь СССР-ть эса и сонь Якстерь Армиянь могуществанц эса миронь инь цебарь и надежной гарантия, мировой пожаронь беснуощай кирвястихнень каршес кеме опорать.

Якстерьармеец, командир и политработник ялгат! Миялфтость,

што человечествань и миронь врагтне народтнень йоткса каяжиста шовасазь мечть, лихорадоchiaйста вооружаються, тиендихть военной соглашения, йорайхть минь моданькень лангс убийцат, вредительхть, шпионтт и диверсантт.

Карматама нингя сядя упорнайста работама эсь политический касома шинекень лангса, нингя сядя усиленнайста крматама воспитывать эсь эсонек истиннай партийнай и аф партийнай большевикт, ленинецт - сталинецт. Ульхтыма прокс и коса повсь начеку! Карматама апак сизьсек кепсмонза Якстерь Армиять боевой мощенц. Ульхтыма достойнайхть довериятненьди надеждатненьди, конатнень путнесыне минь лангозенок великай советский народсь!

Пуроптсайнек нинге сядя теснайняста эсь боевой рядонькень Ленинонь — Сталинонь партиять перьф—Советский Союзонь трудяйхнень передовой отрядна!

Шумбра улеза доблестнай Рабоче-Крестьянский Якстерь Армиясь—непобедимай советский народть армияц!

СССР-нь Оборонань Народнай Комиссарсь Советский Союзонь маршалсь.—

К. Ворошилов.

Ладямс полиграмотань кружокть работанц

Саранскяень Котониннай фабрикаса комсомольский организациясь пуроптсь кафта кружокт. коса тонафнихть сембе комсомолецне. Фкя кружоксь партиять историянц основной моментонзон тонафнемаснон колга, а омбоцесь политграмотань кружок.

Партиять историянц основной моментонзон тонафнемаснон колга кружокть эса 15 комсомолецт. Пропагандистсь Сикачев ялгась, ВКП(б)-нь член, сонь высшай образованияц. Занятиятнень Сикачев ялгась йотафнесыненц цебарьста. Сикачев ялгась васенда тиеньди 2 частонь вводнай беседа. Беседада меле комсомолецне максихть теенза кизефкт. Сядя меле Сикачев ялгась азончнесы кодама литература эряви морафтомс Ленинонь и Сталинонь трудснон эзда и учебникста. Мязрда сембе комсомолецне морафцазь азф литературать и тиныхть конспект, Сикачев ялгась ванончнесь комсомолецнень конспектснон и темать аделамда меле йотафни 2 частонь конференция, коса максис комсомолецненьди кизефкт и синькця комсомолецне максихть фкя-фкяньди кизефкт.

Ламон комсомолецнень эзда лац аноклакшихть прязанятненьди, морафнесазь Ленинонь и Сталинонь трудснон.

Илякс ащи тевсь политграмотань кружокть эса. Эряви мязромс видестя, што тя кружоксь, коса тонафнихть илядыкс 15 комсомолецне, эсь работанц вятсы пяк калдывста. Пропагандистсь Невский ялгась тиенди аныцек вводнай беседат и сяконь марта аделакшнени темаське. Комсомолецне куца мезерок аф морафнихть и занятиеньди аф аноклакшихть.

ВЛКСМ-нь комитетть секретарец Савин ялгась тя положенянь азончнесы сянь марта, што аш учебникт. Но тя аф туфтал.

Сембе тевсь повонды тоза, што кивок аф заботендай коткамс эрявикс литература учебникта башка. Юкстаф художественнай литературась, журналхне, газетатне и лия разнообразнай литературась.

Эряви мязромс, што политтонафнемать пользанц колга мазивалонь корхнесь тевсь аф ладяви. Сембе афсатыксне политтонафнемать эзда машфтовихть эста, мязрда эрь комсомольский руководителсь и комсомолецсь кармаихть политтонафнемать лувондомонза необходимайкс. А сят комсомолецненьди, конат аф маштыхть самостоятельно работама, эряви няфнемс эрь шиня эрь частоне ялгань лезкс, няфнемс мезе эряви морафтомс, мумс эрявикс литература теест и азончнемс сянь, конань синь нинге тячить самс аф содасазь.

п. г.

ПИОНЕРХНЕ ОТЛИЧНИКТ

Кулдым велень афполнай средний школаса пионерхне Макаев Ал. Ан., Бикеев П. Д., Бикеев Е. Е., Королев И. Я. и Етелькина В. А. ялгатне тонафнихть сембе предметнень коряс аныцек отличнайста

Нят пионерхне отличнайста тонафнемада башка активнайста работайхть школьной самоуправленияса. Бикеев Шайгононь район.

Кафта орден

— Минь кольясотама. Врагсь Белорецкть ортанзон лангса. Минь кеменька тьожань боецтонок, аф кража винтовкадонок, пулеметтонок, орудиядонок, но кража продовольствиядонок и аш медикаментонькя. Ошса синь сявомс аш коста. Калдыв тевсь патронтнень и снарядтнень марта. Минь аныцек кафта кидонк: али, врагть кольянц сяземок, западу—регулярнай армияц, али Туркестану, сядя тьожда и аф пелькс кить эзга. Вибрада. Мон—прорывть инкса.

Южноуральский партизанский отрядтнень командирсна Блюхер Василийсь аделазе кортаманц, и штабонь заседанияса сембе ломаньтненьди шарькодевсь, што тя коренастай ломаньц виденц кортай.

Аф содаф яниятнень эзга, сери лантнень йоткова мольсть Блюхеронь дружинниконза, конатнень мельга паньцесть белогвардейский частьтне. Вогоявленскяйса врагонь кольцать сеземанц марта синь освободили тьожань и пъя партизант.

Трехречьяса переправать маласа бойть пингста Блюхерсь ульсь сембеда инголе. Мезьдонга аф пели од полководецть ала ульсь шавф алашац. Белайхнень пъялс атакаснонды ашезь страфтов пъялс кртапа и вачеда дружинниконь кеместа паендаф группась. Атакатнень каршес атакаса отвачакшнесь, пяк лама ломаньцта пуроптф врагть армиянцты оцю урононь тиезь Блюхерсь упорнайста мольсь цельть и Белорецкайста лисемода меле 40-це шить эзда, 1918-це кизонь сентябрь 14-це шистонза, героический тьожань и пяле километрань кувалмоса походсь ульсь аделлаф.

Блюхерсь телефонца авазе Москуть и макссь рапорт:

— Южная Уралонь Якстерь партизанонь армиясь сась. Поступаем Реввоенсоветть распоряженияс.

1918-це кизонь нят грозовой шитнем пингста Всероссийский Центральный Исполнительный Коми-

тетть председателец Яков Михайлович Свердловсь мязрьгсь ВЦИК-нь члентненьди:

— Итак, ялгат, мязрьгода азомс теенть ся васенце случайть, мязрда минь макссетама Якстерь Знамянь орден Блюхер ялгати.

Курокста Блюхер ялгать походнай френченц эса заря тяштеск пиньдельць социалистический революциянь васенце орденць—боевой Якстерь Знамянь 1-це № орденць.

**

1913-це кизоня шафф призывниксь—Шебулев Митясь мольсь Дальний Востоку 1935-це кизонь сьоксенда Ромодановань райононь Лада велеста, коса сон соксесь модат "Молодые всходы" колхозса.

Кизода меле Шебулевсь аделакшнесь-ни младшай командиронь школа. Штоба аф лядомс эсь ялганзон эзда, сон вень-вень ащекшнесь тактикань учебникнень велькса и тирса сядоцеда пялендезе мишенень яблочкать.

1936-це кизонь ноябрь 26-це шистонза шовдава казармат мезули вийхть ардсь пограничниксь. Сон сувась комнатав и азозе командирти:

— Тревога! Павловай сопкаты маласа японецне йотнихть границать вельф.

Минуташкада меле боецне вооружандафта озсесь ни грузовикс. Аф ламода исть пачкодь сопкати, и валгонцть.

Пеккедь лангса шашцть сопкаты пряс и пращениць сонь маку-

шкани лангс. Шебулевсь цебарьста няезе тона ширеть. Японецне усксесь эсь окопозост пулеметт, минометт и цепьса шашить инголи кядьсост ручной пулемет марта.

Йотась частшка и японецень оцю группать эзда явсть 40 шка ломань. Кода няеви, синь арьсесь, што синь лама шисна эфцыне якстерьармеецнень. Сидеста кармасть ляцендема японский пулеметтне, кармасть бухиема минометтне.

Вражеский пулятнень ала прасть отделениясь командирсь Слеповсь и боецсь Долгополовсь. Яростьсь лаказевкшнесь Митяць седиса коль сядя пяк. Сон аныцек кенерькшнесь заряжакшнемс винтовканц, и сонь эрь пуляц тиеньць брешь японецень рядтнень эса.

Ушедсь рукопашнай схваткась... Эрь якстерьармеецть каршес сашендовсь несколько японский солдат. Синь эздост яфодсь спирт шинь. Но, дряй могли советский боецне эводемс иречта самурайхнень бандаснон эзда! Нарушительхне паньфтельхть Павловай сопкаты эзда.

1937-це кизонь февральть 17-це шистонза Кремлевский дворецса СССР-нь Союзонь Центральной Исполнительной Комитетть Президиумонц заседанияса Михаил Иванович Калининсь максозе скромнай геройти Шебулев Дмитрий ССР-нь боевой Якстерь Знамянь 544-це № орденць. Тя ульсь инь мельдень боевой орденць, конань максозе ЦИК-ть председателец

ОКДВА-ть командарманц Советский Союзонь маршалть Блюхер клгать мяштась и ОКДВА-нь младшай командирть Шебулев ялгать мяштась пинделдхть фкя лаца орденць. Синь—инь цебарь залог сянди, што грядущай битватнень эса советский народть сембе боецонза—маршалста сявомок рядовойти модемс—кармайхть тюрема кода геройхть. Л. Линьков. ("Комсомольская правда").



Получасть государственной пособия

Кулдым велеса „Дирижабль“ колхозса колхозницатне Родькина Марфась, Лушкина Аннась и Додонова Акулинась лама иденькса получасть кажнайсь 2 тьожаньт цалковайхть государственной пособия.

— Минь пяк павазуфтама и эрятама радостнай пингста,— кортайхть колхозницатне.— Тя цебарь эряфть тиезе народти кельгома Сталин ялгась.

Додонова ялгась кортай, што: „монь одю цьоразе тонафни раб-факса, омбоце цьоразе тонафни 8-це класса средняй школы. Фкя стирезе тонафни 6-це класса, омбоцесь 4-це класса, колмоце стирезе тонафни 1-це класса.

Радостна тейнек и минь иденьконди.

Н. Д. Картаев

Шайговань р-н.

Военизированной соревнованият

Февральть 18-це шистонза Мокш-эрянь педагогический училищаса ульсь йотафт студентнень йоткса военизированной соревнованият. Сембец примасть участие 28 студентт полнай военной снаряжение марта.

Соревнованиятнень эса васенце васть сявозе 3-це курсонь студентсь Ляушкин ялгась. Сон 10 километрать йотазе 1 частста и 4 минутаста. Омбоце васть занязе сяка курсонь студентсь Кажав ялгась.

Аватеньень йоткса васенце васть занязе Мордовина ялгась, кона 3 километрать молезе 45 минутаста.

Тяда башка ульсь йотафт стрелковой соревнованият мелкокалибернай винтовкаса. Васенце васть занязе омбоце курсонь студентсь Железнов ялгась, кона 3 патронста макссь 28 очкат. Студентне, конат занязь васенце вастнень февральть 23-це шистонза улихть казфть ценнай подаркаса. Филиппов.

РАБОТАНЬ ЮКСТАФ УЧАСТКА

Февральть 15-це шистонза физкультурань и спортонь тейфень колга республиканский комитетсь йотафтсь фкя шинь совещания, коза пуромкшность районтнень эзда 14 представитель.

Совещаниять эса ульсь няфтьф, што лама районга кальдывста моли ГТО-нь и ВГТО-нь значокнейди тялонь норматнень максомасна.

Физкультурань и спортонь тейфень колга Горбеевань районный комитетсь представителец кортай, што районга лыжаса якамань норматне эрявихть максомс 300 ломаненди, а лыжасна районга сембец 25 пар, да нятка, кода няеви, тевс

аф нолявихть, сяс мес районга тячить самс фкявок ломань лыжной норматнень ашезень максса.

Ромодановань районный комитетти эряви лыжаса нолдамс 710 ломаньт, а синь нолдасть аныцек 104 ломаньт.

Тяфтаня жа кальдывста моли ГТО-нь и ВГТО-нь тялонь нормань макссемась Инсарань, Шайговань, Дубенкань, Краснослободскяень и Саранскяень районтнень эзга.

Тялонь норматнень макссемаснонды лянчи фкя ков. Эряви, штоба комсомольский организациятне сяволезь эсь кядезост инициативать и шашфтолезь тя тевть инголи. С.

Оцю спасибо Наркомпрости

Пакся Тавлань аф полнай средняй школы МАССР-нь Наркомпростсь кучсь 50 парт лыжа, 17 пар ботинкат и 22 пар конька.

Ученикне эрь шиня свободнай

пиньгост курькснихть лыжаса и конькаса.

Тянка ученикне Наркомпрости азонкшнихть оцю спасибо.

Ф. Платонов.

Кочкуровань р-н.



Февральть 22-це шистонза МАССР-нь ЦИК-ть зданинц инголе тийсть финиш лыжник-допризывникне Мордовиянь сембе районтнень эзда. Лыжной эстафетась ульсь лемдф Якстерь Армиять 19-це годовщинац лемс.

СНИМКАСА: Эстафетань участникне, Рузаевкань райононь допризывникне (види ширьде кяржи шири): Есин, Костюнин, Ардашкин ялгатне.

Фотось Веретенниковть.

Натуралистонь уженья САЙХТЬ ТУНДАНЬ НАРМОНЬТНЕ

Мартсь маладкшни. Курок эвондаихть и тундань гармоньтне—письмархне и крацне. Письмарда инголе сайхть крацне и тийсазь эсь пизоснон кальхень и лия шуфттнень лангс. Тяста синь туйхть кормань вешендема паксыва, садга, вирь крайга. Ярси крацсь мезьда повсь: растительнайда и животнайда, но сембеда танцти ярцама пяльсь теест вреднай уньжатнень (насекомайхень) личинкасна.

Крацнень прожорливый армиятне целай шинь лиендихть паксятнень, перетнень, садтнень и вирь крайхень эзга. Синь тяса кочксихть жукт, майский жуконь личинкат и всякай ладса уньжанят.

Крацне кочксихть культурнай растениянь тапаф видьметка. Но тя вредсь аф сяшкава оцю, конашка синь кандыхть польза, машфнемок тьожаньт вреднай насекомайхть.

Средняй сроксь крацнень самаснонды монь 12 кизонь наблюденианень пиньгста Саранскяса мартть 12-це шистонза, а инь ранний шись февральть 20-це шистонза.

Тялоть йотафтома крацне минь эздонок тушендыхть юго-западу и Чернай и Средиземнай моратнень берягс.

Крацнень коряс сяда интереснай, но сядонга пяк полезнай гармонькс ащи письмарсь. Крацнень самода меле 15-20 шинь йотазь, весяла мороняснон марта эвондакшихть аф оцю стаянся письмархне.

Письмархне кельгсазь пизонь тиёмаснон анокс тийф письмаронь куднятненьди, а вирьхень эса синь тиендихть пизот шуфтонь ундтнень эс. Самкась алыакшни пяле десятка алхт и 12 шида меле синь эздост лихни прожорливый лэфкскат, конатненьди родительсна целай шинь каннихть вреднай насекомаень личинкат и сукст.

Письмархне сашендыхть тейнек МАССР-у средняйста мартть 29-це шистонза, а инь ранний сроксь отмечандаф мартть 7-це шистонза.

Ив. Поляков.

Атязень радозец

РАССКАЗ

Тячи школьникне састь куду рана, сембе весялат, кядост од газетт, коса сьормадф СССР-нь од Конституциясь.

— Ваня, мес пяк курок садя тячи школаста,— кизефтезе атязя.

— Тячиень шись, атяй, сембе трудяень праздник. Тячи Сембе-союзонь Чрезвычайнай Кафксоце С'ездсь примазе Сталинский од Конституциять. Тячиень шись, мярьгсь учительнеке, ули вечнай праздник и инь весяла ши, конань мзярдонга аф юкстасы человечествась.

Кенярьць атязя Ваня уноконц валонзонды. Стясь удома вастстонза, сявсь ванюма, сеендезень ловакша шаарензон, урядазень кувака, моцкя пря, сакалонзон. Ся пингова сувасть Ванянь колма ялганза: Акшень Михалась, Григорьнь Микольсь и Василиень Петясь, конат тонафнихть Ванянь марта 7-це класса средняй школы.

Ванясь и сонь ялганза пуромост сянкса, штоба лувомс од Конституциять.

Мзярда Ванясь морафтозя Кон-

ституцияста кофксоце статьять, коса кортави:

„Колхозонь кядьса ащи модась кемексней синь мельгаст питнефтема и срокфтома пользования, лиякс мирьгомс, навечно“.

атязя стясь эсь вастстонза и кармась эсь радозенцазондома школьникненьди, конат шачсть советский властть пингста, конат аф содасазь кода крестьянтне тюренцть помещикнень марта модать инкса и аф фкя тьожань инь цебарь ломань сят тюрихень эзда помещикне наксафтсь вечнай каторгаса и пондасть виселица.

— Революцияда инголе, идняне,— кортай атязе,— тяниень „Ким“ колхозть сембе модан ульсь Бутилеров помещикть кяца. Ламоц тячиень свободнай колхозникне работакшность, мяньцезь копорьснонтя баярти. Минь, тинь атянять, аляньте, мяляфцась, кода баярьсь пинекс шавонкшнемась... Баярьть управляющаец байдек и плетка ударонза тячить самс аф юксне вихть и аф юкставихть куломозонк.

Мон моньць эрянь пинень пра-

васа. Удсень галыш модать лангса и тувотнень марта. Ситьне мзярдонга лангстон ашеть машинь. Баярьть управляющаец шавондомань мезьса повсь: кядьса, байдекса, а сембеда пяк—кшнинь илиса и розгаса. Соньць баярьсь пинензон кельгонкшнелень минь корязнок сяда пяк. Пинензон аннекшнелезень пидеф учань сивольда, акша кшида и суронь ямда, а минь сембеда цебарь пицанеке ульсь шапарякс марта кувазсь, модамарень шонгарямсь и юву кшись.

Ашезь кирдя Ванясь, путозе газетать шрать лангс и пшкядьсь:

— Атяй, баярьсь ульсь велеса ськамонза, а беднайда ульсь лама, мес ина кунаркига ашеть шавонда ломань веронь потай нят куйхень?

— Властсь ульсь козятнень кядьса. Сембе эряфть тиендезь козятне стая, штоба ульть цебарь теест. Козятне пуроптозь эсь кядезост сембе богатстватнень: модать, фабриктнень и заводтнень, машина китнень, почтат и телеграфть, а беднайхень вихца кармась работафнемоств козятненьди. Штоба беднайхне афольхть шарькодь, синь васькафнемоств водясть кувака шярь полт, конат азончнелхть беднайхеньди цебарь эряф небеснай райса и кирмелезь

беднайхень вечнай повиновенияса козятненьди... Конешна беднай ломаньтне кунара ни ушецть вятма тюрема козятнень каршес. Беднайхне шавонцть лама помещикна, плхность лама баяронь именияда, а властсь лядонць меки козятнень кяц. Минь, крестьянтнень, ашель кодамовок организацияньке и крестьянтне тюренцть розна... Мзярда Ленин и Сталин пуроптось большевиконь партия, кона вьтезень рабочайхень козятнень каршес тюреме, трудяй крестьянтне тусть Ленинонь-Сталинонь партияц и рабочай классть мельгя и марса 1917-це кизоня сявозь козятнень кядьста властть, модать и лия богатстватнень, арасть синь азоркс страназнок и тийсть эсь кядьсост радостнай эряф сембе народти...

— Кие арсекшнесь, што тяфтама весила эряф сай масторт лангс? Минь тянь ашеск содся...

— Кевейксые кизода инголя, мзярда монь ульсь ведьгемонь фкя кизоза, вешень курокона куломс, штоба минемс рабский бесправнай эряфть эзда, а тани сизьгемонь кизоза и нянгя йоран эрямс, эрямс и эрямс... Ужаль кадомс ши валда, и радостнай социализмань эряфсь, конань тиезя тейнек человечествать ши валдоц—Сталин ялгась.

П. Горьканов.



Февраль ковть 18-це шистонза, 11 частса шовдава ульсь максф Саранск — Кузнецк маршрутти лыжной переходонь старт. Переходть эса участникине—Саранский элентростанциянь рабочайхть, конат Кузнецкайса ознакомлять теплоэлектростанциянь работанц и физорганизациятнень работанц марта.

СНИМКАСА: лыжной переходонь участникине: (кержи ширьде види шири) И. Е. Мишев, И. И. Шляпкин, П. А. Соколов (командать капитанон), А. И. Айдаров и П. Е. Шагов.

Фотось ВЕРЕТЕННИКОВТЬ.

КОДА ЙОТАФТФТ ПУШКИНСКИЙ ШИТНЕ

Пушкинский маскарад

Февральть 17-це шистонза Саранскяень железнодорожной 31 № средный школаса ульсь йотафтф маскарад А. С. Пушкинтъ чествованиянц колга.

Дирекциясь и комсомольский организациясь, инь цебяръ участникнень казезь А. С. Пушкинтъ произведениянзон марта.

А. Дмитриев.

Пушкинский комната

Пакся Тавлань афполнай средный школаса пионерский отрядсь организовандась пушкинский комната, коза кочкафт А. С. Пушкинтъ бессмертной произведенийнза, портретонза и эряфонц колга материальне.

Эрь илять кабинетти пуромкшнихть пионерхне, школьникне, колхозникне и морфнесазь гениальной поэтть произведениянзон.

Ф. Платонов.

Литературно-художественный вечер

Февральть 17-це шинянза Саранский ошень 9-це номер Мокшэрзнь аф полнай средный школаса ульсь пяк цебяръ литературно-художественный вечер.

Вечерса тийсь доклад литературань преподавательсь Черепкин ялгась. Черепкин ялгась пяк шарьковедиста и интереснайста азондое Александр Сергеевич Пушкинтъ эряфонь и творчествань кинд. Ульсь лама цебяръ декламацият. 2-це классонь тонафнись

Звездин пяк цебяръста декламировандзе Пушкинтъ „Деревня“ стихотворениянц.

Сембе ашихнень мяльсон шарфтозе 6-це и 4-це классонь тонафникнень марта отличнайста налкф инсценировкась „О попе и его работнике балде“ сказкатъ коряс.

Ульсь лама физкультурнай выступленийт, сембедонга цебяръ физкультурнай выступление тийсть III-це классонь тонафникне.

М. Ликинов.

Веселая и радостная зальса

Кода и сембе предприятиянень учреждениятнень и учебнай заведениянтнень эзга, Саранскяень пед. рабфакса пушкинский шитне йотасть оцю радостень марта, поэтть творчестванц оцю кельгомань кепедема марта.

Ня шитнень праздновамаснон инкса тя коллективса йотафтф колма вечерхт. Сембень эса ульсь кулпондфт докладт поэтть творчестванц колга.

Тяда башка ульсь лувфт декламацият поэтть произведениянзон эзда. Декламацият лувсть аф анычек студенттне, но пяк оцю участие примсесь преподаватель-

хневок, кода Кривошеев, Прокаев и лия ялгатне.

Декламациянь лувомода меле путфтольхть инсценировкат „Цыганы“, „Борис Годунов“ произведениянтнень эзда.

Зальс, коза йотасть вечерхне, ульсь наряджафт цебяръста и праздничнайста. Стенатне вельхтыф тольть вождьтнень портретсон марта, поэтть портретонзон марта и сонь гениальной высказываниянзон эзда башка сьормадфса.

Тянкась веселая и радостная зальса.

Ф. Дурнов.

Тонафнян А. С. Пушкинтъ эзда

Пушкинтъ произведениянзон мон ушедонь морфнемост мзярда тонафнень 4-це класса. А. С. Пушкинтъ стихотворениянза сьормадфт пяк шарьковедиста, живойста и красочнайста. Мон тонафнян вели-

кай поэтть бессмертной произведениянзон коряс стихонь сьормадома. И аф кунара лиссьфкя стихотворениянзе „Цебяръста работамс“.

Вася Каргин.

ИСПАНИЯСА ФРОНТТНЕНЬ ЭСА

Мадридский фронтса

Мадрид, 22. Исяк республиканский войскактне сембе наступали Харамань сембе фронтса. Упорнай бойда меле республиканский войскактне занясть ряд вражеский позицият. Бешеннайста сопротивлениань тиенди противниксь йордаф.

Лондон, 22. Испанский военный министерствась печатлась тяфтама коммюнике:

„Исяк минь виеньке решительнайста атаковандазь противникть Харамань лять маласа сембе фронттнень эса. Минь войскактне штурмовандазь противникть передовой позициянзон. Мятажникине кадозь ня позициясон минь виенькенъ натисксон ала. Юмафкста башка, конат нанесеннайхть врагити, и позициятнень фатямасна, конатнень пяк оцю стратегический значениясна, тейнек удалась ляцендемс пяк важнай коммуникационной линият, конат связывали противникть тылонц тя фронтть марта“.

Миаха генеральсь тийсь заявление журналисттненьди Мадридть оборонанц колга:

„Моли ожесточенный тюрьма. Заверяю тинь сянь эса, што минь карматама сражаться аф эряфонкса а куломанкса, и Мадридсь мзярдонга не сдастся“.

Мятажникинень тяряфнемасна отвечамс контратакаса успех ашестъ кирде.

Эскориальский секторса правительственной артиллериясь кармафтозе аф каштордома неприятельть.

Республиканский артиллериясь успешнайста ляцендезень мятежникинень Гвадаррама районца, и рассеял синь скоплениясон.

Южный фронтса

Рейтер агенствать корреспондентоц Альмерияса пачфни куля, што республиканецне занясть позицият, конат господствуют Лас Альпухаррас пандтнень вельксса 30 километрань кувалмос берягть кувалма северо-востоку Мотриль эзда. Сембе путень сообщениятне горнай цепть и побережьять йоткса ашихть синь кядьсост. Тя успехти синь обязатт военной операциянтненьди Кадияртъ перьф (37 километрат северо-востоку Мотриль эзда), коза теест удалась выбить мятежникинень, конат кадсть

военный материалонь оцю количеств, кафта тяжелой орудият, лама пулеметт и раненнаень оцю лувкс.

Валенсия, 22. Мекпальденъ кафта шитнень мятежникинень авиациясна тяряфнесь бомбардировандамс Альмериять, но правительственной зенитной орудиятне макссть энергичнай отпор. Прафтфт противникть кафта самолетонза. Фкясь синь эздост—гидросамолет—прась моряв берягть малас. Омбоцесь прась мятежникинень передовой позициясон эса районти.

Париж, 22. Посас генеральсь, конац вяти руководства военной действиятнень марта Гвадалахара районца, Тавхо и Эстремадурский китнень лангса, Гавас агенствать корреспондентонц марта беседаста азозе, што правительственной войскактне значительно цебяръгафтозь эсь положениясон Араганды и Сан Мартин дела Вега районца Авилла провинцияса республиканецне занимают Робледуть. Фронтть южнай участканзон эса синь пачкодсть Талаверить малас. Ня участкантнень эса республиканецне занимают Тахоть севернай берягонц, а мятежникине—южнайть. Посас генеральсь особо отметил республиканский авиациять действиянзон сембе фронттнень эса, и башка Харамань районца.

Арагонский фронтса

Париж, 22. Гавас агенствась Барселонаста пачфни куля: „Альканьяста пачфнихть куля, што арагонский фронтса исяконь шись йотась спокойнайста.“

Вивель дель Рио районца (запад шири Монтальбанть эзда) мятежникине продолжали тиендемс сильнай давления Сегураса, Банос и Маркиль дель РиО-са; тя районца действовали итальянецт, морокканецт, легионерт. Наступлениясь кирьневсь танкатнень и авиацият марта. Успешнайста вятьсь действие Фридрих Энгельсть лемса республиканский антитанковой батальонць.

Севернай участкаса мятежникинень артиллериясь ляцендсь республиканский передовой аф оцю группатнень лавкс Алькубиерра пандтнень эса, но республиканский авиациясь лоткафтозе каштордомда неприятельский артиллериять.

Работась вишкомсь

Ст-Шайговань районца Сире Теризморгонь аф полнай средный школань пионер организациясь сяда меле, кода полафтозь вожакаень руководствать и ладявсь ВЛКСМ-нь райкомть ширьде руководствась—работась кармась вишкомома.

Велень советсь нолдась ни пионерхнеди галстуконди, барабанонди ярмакт.

Пионерхнень йоткса ушедсть сидеста йотафнеме беседат Сталинский Конституциять и испанский событиянтнень колга.

Тяфта массовой работась вишкоптеманц вельде сяда вишкомсь пионерхнень тонафнема тевсна. Вов пионерхне Девин, Живайкин, Кидяровсь—тонафнема кармасть анычек на „отлично“ и „хорошо“.

5-це классонь учениксь пионерсь Чудачь Ванясь тонафни сембе дисциплинатнень коряс анычек отличнайста, сон арси цебяръ ялгакс сембе тонафникхнеди.

Каргин, Ямашкин.

Аф работай, а зарплата сяви

Сире Зайцева велеса избачсь С. Е. Петровсь аф вяти кодамовок массово-просветительнай работа. Эрь илять од ломаньтне пуромкшихть клубу, а Петровсь клубу прывок аф няфни.

Петровсь ВЛКСМ-нь член, а эсь прынц вятьсы пяк кальдявста.

Сон эрь илять симонди винада и сянь сюнеда юкснесы эсь работанц.

ВЛКСМ-нь райкомти эряви варжакстомс Петровть „работанц“ лангс и тиёмс эрявикс выводт.

Комсомолец.

Рыбкинань район.

Отв. редакторсь С. ЛАРИОНОВ.

Уполномоч. главлито № Д—22. Заказ № 604. Тираж 2545.

Саранск типография „Красный Октябрь“ Мордгиза